

四庫全書

集部

欽定四庫全書

集部

空同集卷二十八

詳校官監察御史<sub>臣</sub>龔驥文

中書<sub>臣</sub>劉源溥覆勘

總校官進士<sub>臣</sub>繆琪

校對官中書<sub>臣</sub>袁文邵

謄錄監生<sub>臣</sub>李傳燮

欽定四庫全書

空同集卷二十七

明 李夢陽 撰

五言律

月夜繁臺會兩監察

路葉風交落臺驄晚並行時寒物色換意遠世緣輕異  
國同觴地危樓片月情暝烟凭檻裏汴水凍猶聲

其二

萬里危樓夜中天朗月時快心真託酒凝望轉停危野

色霜元迴林光燭並移依依簷畔鵲先占獨栖枝

送李生還郡

宦美庭闈隔情深郡檄催臘江舟自穩暮日首頻回洞  
橘黃金摘吳魚白雪來汝親知更樂願展治邦才

其二

伯道吳門水梁公冀北雲依親歲聿暮趨郡袂還分臘  
動蘇臺色春回震澤薰重過應未遠良吏漢廷聞

甥嘉北來出其謁逢千廟之作予為和之嘉時

謫茂州判

汝謁雙忠廟徘徊幾度吟  
暴雲連海白積水帶城陰  
自杖看碑淚誰知駐馬心  
未須悲遠竄不死是恩深

送甥嘉之茂州次玉溪侍御韻三首

已詫齊東謫能堪蜀道行  
自甘窮塞竄爭奈倚閭情  
劍閣雲中棧蓬婆雪外城  
大江秋見底待爾濯長纓

其二

蜀道元非易人言此更難  
虎風生萬壑蛇徑動千盤  
北

望常思闕西來不為官無言羗性異汝當郡民看

其三

雪山天地外經夏雪難消氣冷三城戍光通萬里橋誰  
言州不好汝去路寧遙縱使胡笳夜猶能夢入朝

郊園遲王易使不至

豈少銀鞍馬衝泥許故游清風微進草晴日澹生秋掃  
徑童將倦看籠鶴未收異時高李會佳跡至今留

王易使至復有此賦

晴游翻幸雨午出更便風柳重陶潛宅花霑御史驄達  
人元野性濁酒本村翁酌罷桑麻晚歸燈一徑紅

王易使既返東月皎升乃與李曹二子徑觴吹  
臺之巔口占柬王子

王歸不待月二子共登臺天地劃然皎山河相盪迴蟲  
鳴崖底葉鴈影掌中杯為問山陰客還能棹雪來

秋日呂公西園同玉溪侍御二首

圓勝城能曲臺高野更秋席陪陪驄馬出情為碧雲留移

坐鋪林葉添樽面水流潛思歌舞地指點問王州

其二

入院看垂柿臨畦羨引泉寒萋自滿地疎樹不妨天野  
老疑旌旆林鳥下酒筵無云但游行公意在桑田

西園酒半會玉溪侍御瓜代報至再賦二首

北使還朝近西城返照深霜情留果實晚意付花心風  
助林皋爽雲橫海嶽陰茲游如在念應有寄南音

其二



勝地留賓切離筵散酒遲網魚生躍案摘棗脆連枝草  
夕鳴蛩動天秋過鴈知河橋明日事願盡掌中卮

見和君病起鬚白輒有所贈亦答其酒過

詫汝鬚添白將無病苦形眼前真過隙身外是浮萍客  
到留碁局兒呼檢藥經昔人曾頌酒吾意不如醒

和鄭生行經鳳陽

浩蕩興龍地盤旋踞虎形海吞淮水白天插楚峯青帝  
宅精靈聚陵宮虎豹扃萬年裡祭禮有道賴朝廷

初冬見雪和鮑生

密雲初布暝疎雨忽成花氣淺冰從薄寒輕白自斜敝  
裘誰念汝孤棹獨思家江上冥冥鴈春風遲去槎

鄭生至自泰山

昨汝登東嶽何峯是絕峯有無丈人石幾許大夫松海  
日低波鳥巘雷起窟龍誰言天下小化外亦王封

其二

俯首無齊魯東瞻海似杯斗然一峯上不信萬山開日

抱扶桑躍天橫碣石來君看秦始後仍有漢皇臺

寄鮑崇儒

去日猶零雪庭葵遽復花新詩誰和汝久客自成家  
水國乾侵夏田風莽帶沙長淮日易暮珍重早棲鴉

送趙訓學滿歸

六旬千里客九載一羶歸路遠琴書重官貧妻子饑  
塞雲迎老鬢河色戀征衣會有秋行伴關山新鴈飛

其二

宋代陳無已唐時鄭廣文道高官獨冷名美世同聞汝  
挈一羶去予憐雙袂分潛潛白首淚長向渭西雲

秋過內弟漫賦二首

赫赫乘龍地蕭蕭羅雀門桑麻猶世業書史但兒孫數  
過看顏帖今來為菊樽顯親君太晚願化北溟鯤

其二

主賓俱不飲相對坐同深幸有黃花興無論白髮心游  
蟲紛落日高葉下疎林靜裏聞鴻鴈疑添徃歲音

贈陳生

少小期鵬運于今尚未飛  
蒿深仲氏宅鷄結憲生衣  
背郭元桑樹臨河只釣磯  
奉親知不苦饌有白魚肥

其二

白屋山中相黃河水後田家無釀酒  
秫人索買書錢雨  
過雲流野風來浪接天  
行行牛角上猶掛古人編

七夕雪臺子過東莊

村落元相接園林亦互游  
酒天携榼就花夜對牀留  
忽

爾雙星候冷然萬木秋誰期白頭日蕭灑共丹丘

贈程生東游

鄒魯風猶在芒碭氣有無羈心空大澤儒行乃長途野艇冰迷鴈村樓凍集鳥無勞怨歲暮隨處是江湖

寄題高子君山別業

君山者江陰縣之北山也高子獲焉於是自稱君山主人予聞之為作君山詩寄焉

一山背城起萬古號為君秀攬江心月雄吞海面雲金

陵通地脉玉港發人文美彼投簪客中年卧紫氛

其二

季札墳邊業春申邑後山一江平展鏡兩港曲成環不  
雨雲煙擁長春草木斑隱君梯萬丈倘許世人攀

立春東鄭生問其愁病

天涯春又至游子近如何病久詩難減鄉遥夢易多樂  
苗春尚雪舟楫海初波舊業方山下東風徧綠莎

送劉尹赴徵

戀別當炎暑淹留到夕暉  
徵書昨日下循吏古人稀  
風樹涼移席庭萱晚就衣  
明朝五雲裏爭看兩鳬飛

冬日寺集觀趙帥射

萬里橫霜氣長風快順毛  
將軍隻弩發疊中兩鴻號  
取石敲新火開鮮弄寶刀  
回頭問僧者何處得醇醪

丁亥寒食東養素

細雨穠花候高齋獨坐辰  
春風無病物清世有閒人  
樹濕鶯穿穩泥香燕下頻  
遙思養素者何處卧松筠



喜程生自吳中回致五嶽黃山人音問

爛熳梁園樹江舟爾恰迴苑桃惟舊列墻柳半新栽枝  
為來人媚花迎笑口開吳門春更好幾上虎丘臺

其二

黃子吾真畏程生爾更奇江城傾蓋日渭北暮雲時寶  
劍神終合冥鴻性不移忽思千里駕慚愧昔人為

伏日載酒尋高司封讀書處

鄭門古城曲小築成幽園為厭朝簪擾兼辭人境喧矮

堂交雜樹炎日駐游軒默默林中意相看對一尊

其二

養寂為園卧尋幽當暑過林深得日薄地靜覺蟬多舊  
業元杭稻新亭復薜蘿誰憐朱紱客遽戀白雲窩

懷五嶽山人黃勉之

吳下元多士黃生更妙才心常在五嶽名已動三台系  
自汝南出文從西漢來各天難見汝翹首獨徘徊

郊居東竹溪子

當春弄杯醖花落恨紛紛重來日復幾飛葉滿秋雲寒  
流下鴈影古戍噪鴉群殘菊猶堪把長謠獨憶君

聞吳郡黃山人將遊五嶽寄贈

昨報三吳客將尋五嶽遊薜蘿堪製服春水正宜舟二  
室雲中峻三花煙外浮住居吾幸邇先肯到嵩丘

其二

天柱峯頭雪蓮花嶺畔雲朗吟惟李白獨往更黃君婚  
嫁今應畢藜藿有幸分共躋恒岱徧歸著五遊文

東莊冬夜別程生自邑

萬里孤村夜疎燈對語心風枝時響牖寒月故明林秦  
隴新遊壯江湖舊恨侵側知南橐重為有華山吟

己丑八月京口逢五嶽山人

夜雨清池館晨光散石林一舟相過日千里獨來心樹  
擁江聲斷潮生山氣陰異時懷舊意應比未逢深

京口楊相國園贈五嶽山人

遠客乘秋至名園水竹分林寒翻易雨池靜合偏雲卧

疴思知己逢君愜素聞  
蕭蕭綠雲裏誰解有論文

經長陵詣黃花鎮

沙嶺群峯會黃花一徑穿  
臨崖防馬駭枯木有蛇懸  
鎖鑰關門壯星辰陵闕連  
舊驅邊馬至得失豈皇天

白洋城

京西太行崦孤壘白洋間  
已已曾通敵居庸並立關  
水合桑乾去峯連塞上山  
聖君敷遠德秋日戰旗閒

至黃花

黃花城壓岑山合  
晝多陰坐見五陵霧  
來為九月霖泥  
生劒戟  
澁寒重鼓輦沈寂寞  
松林外那傳孤鴈音

銀山寺

銀山倚鐵壁  
天外削三峰  
不見林中寺  
來聞午後鐘  
僧徒住石屋  
雷雨拔門松  
西望諸陵接  
雲成五色龍

出塞

烽起黃河限  
秦亡紫塞存  
磧沙浮落日  
塞霧宿疎墩  
哨馬三邊動  
燒荒千里昏  
將軍拜金印  
白骨不曾論

其二

磧日淡無暉風沙驚自飛望煙尋戍壘聞鴈忽沾衣大  
將搜河套遊兵出武威賀蘭山下戰昨日幾人歸

環縣道中

西人習鞍馬而我憚孤征水抱琵琶寨山銜木鉢城累  
瘡新罷戰挿羽又徵兵不到窮邊處那知遠戍情

寺

不覩空王宇誰興浩劫心散花疑白象布地果黃金水

霧飛梁灑夕陽迴殿陰獨啜簪紱客遊賞託雲林

繁臺春望

野曠孤煙靜高臺獨望時地殘隨氏苑天濶禹王祠  
晚日雲爭白陰崖花自遲目斷南來鴈蕭然故國思

繁臺別業

地亦因臺峻天能縱屋高宋朝四帝國禹廟九河濤  
上下見陵墓風煙含野蒿昔人聞醉此簡懶愧吾豪

高遠亭



虛亭蓋樹杪四顧果平蕪  
嵩嶽杯前出濁河  
牕外紆寺杉時送響塔鵲  
每來呼一約朋知飲歸車  
醉每扶

詣別業

跼蹐豈吾事郊遊惟獨行  
風回疑引騎雪落故連城  
塔樹凝先白臺雲曳未平  
感時侵歲晚白髮暗心驚

中湖寺

龍象何年地千巖一澗迴  
我來尋石鏡隔竹望香臺  
樹繞啼猿入人從鳥道來  
坐飡霞氣晚只擬是天台

其二

陟嶮扣巖扉一鐘鳴翠微  
丹崖森竹樹雪壁映花飛  
屋隙鳴泉瀉山昏麋鹿歸  
松風高壑起雲卧欲沾衣

南湖

中湖果奇絕逾嶺復南湖  
石磴迴相倚巖泉有乍無  
開牕衆壑積當殿一峰孤  
更覽千林竹因懷長嘯徒

北湖畏雨不至

亂山上雲氣孤客發西岑  
徒瞻北湖寺其如東路心  
嶺

猿愁暝雨巖鳥下空陰回首太行麓蕭蕭松橡林

下南湖

湖僧騎牝馬相送石門峯歆仄亂石路日暝漁樵逢蒼  
茫翠微裏風落青山鐘美爾巖居者終期塵外蹤

曉行雲夢澤

曉行雲夢澤雲起失湖村歷歷橫江雨冥冥遠岫昏  
鼉當馬吼鷗鷺背人翻欲擬浮湘作吾生異楚魂

劉家隔

匹馬淮山盡孤舟漸楚歌遠商吳蜀雜新雨漢江波驕  
燕斜斜下輕鷗片片過整帆遲明發天色定如何

浮漢

杳杳向前城揚船浮漢行水聞天上轉色出雨中明已  
近鳴鴈月長看龍霧生陳詩歎秣馬風浪獨含情

浮江

浮江暗放舸挂席曉須風日倒明波底天平落鏡中開  
牕問赤壁捩柁失吳宮萬古滔滔意潯陽更向東

九江

九江江九流廬嶽負江州世代催前浪圖書羨上游城  
孤落日映虎去暮天幽夜笛隣舟送曲終無限愁

發九江

已發南風盛須時且復停岸沙延繫纜竹色隱回汀行  
待江水穩卧看廬阜青此生誰固料湖海一浮萍

豐安莊

地氣南逾熱僧林晚暫栖雲開一江去日在萬山西修

竹涼風至昏鴉古木齊  
凭高忽灑淚清世有征輦

圓通寺阻雨

巖扉隣虎穴淹坐面猴  
江山動雲生眼風迴雨入牕  
漸交松際響暮關石間瀧  
鈴磬煙蘿外高峰只自雙

圓通寺阻雨聞石門礮橋斷水湧阻往東林

石門雨斷橋途阻虎溪遙  
仄想遠公室秋蓮應盡飄  
愁猿吟霧裏落葉重林腰  
更有天池望巖巖向碧霄

五老峰

東南濤浪吞五老古今存秀色彭湖浴諸峯廬嶽尊中  
宵見海日南斗豁天門霜雪顏常靜雲煙解變魂

再至洞院

昔別秋色苦今遊風澗清穿石竹猶沾雨過泉自生禮  
殿古門換釣臺新路平獨來誰每見雲日此峰情

廻流山亭

亭高山盡入回首見鄱陽天地開吳楚絃歌有宋唐峰  
雲低棟白湖日倒碑黃六月吾來此涼風不可當

折桂寺

折桂何朝院開基分翠峰牕明五老雪門掩半崖松泉  
瀑飛人過香臺印虎踪千巖誰得到百里但聞鐘

團山登望

石壁朝饒  
二山名

團山當縣口石壁對朝饒日靜湖波歛天低島色遙風  
雲餘霸氣吳楚混前朝秋水年年落英雄恨不消

芝山望

吳楚分何代乾坤此郡孤江從樹裏斷山入雨中無戰



闕名空在英雄世與徂酒酣撫長劒極目盡重湖

芝山寺感事

偶到芝山寺遙傷薦福碑霜雪十月動秋戰萬家悲涼  
入丹楓墮岨高黃葛垂洪鈞融萬物黔首獨旌旗

龜峰

立壁有天地浮雲無古今仲冬諸客到落日亂峰陰峭  
峽通人過危巖把酒吟竒多看徹昏黑更登臨

泊安仁

官舟商泊同城近月濛濛戍鼓夜長擊漁燈時自紅烏  
鵲枝難穩豺狼穴易空向來論大樹心切古人風

鉛山

山水交閩越東南古縣聞一峰晴冒雪兩水晝蒸雲石  
井鵝湖倚車盤鳥道分儒官荆棘裏寒葉痛紛紛

市汊夜泊

此夜章江月無端照獨舟人生真梗泛歲暮且帆遊臘  
逼寒燈焰波吞霽雪流坐吟風鴈起漁笛滿前洲

豐城夜泊

夏至北風至晚晴涼意增江船逼新月沙色亂疎燈暗  
漿故相撥浮陽還自蒸倚檣看劍氣仍見斗間曾

舟往臨江即事

直岼含風細中江放舸安地隨帆席轉風進晚潮殘霞  
樹迎牕過晴山卷幔看遙驚雙浴鷺色舉向雲端

雨泊豐城

古岸花層濕陰江鷗半飛波迴撼船重雨側入簾微潭

愛金華湧亭傷寶氣稀二年三歷此腸斷北舟歸

夜行盱江

燈火遵山閃旌旗折路頻仙壇杳不見片月故須親土俗漸異楚人言多雜閩豈無噐不足訟簡愛吾民

赴新喻

露樹且烏啼孤舟晨向西蕭灘千百轉昏暮到羅溪古驛屯雲密平沙沒日低揚帆更前去月夜不須迷

自進賢趨撫州

炎域霜何厲寒原木欲稀肩輿隨落葉晨日上征衣路  
勢東南轉北風鴻鴈歸東鄉新血戰巢破鳥猶飛

雲山渡

渡古雲山積江明日色饒霜融水更落野靜路堪遙冠  
蓋行相望干戈氣未消傷心弄兵者汝業本漁樵

玉峽驛夜泊

暑泊無風夜江船深自涼雲纖沾葛細月湧去波長古  
峽銜孤驛名山引玉梁前途堪躍馬旦發問仙鄉

白沙驛

沙古幽幽白江新泯泯清水銜村作國山繞驛為城萬里將南徼孤槎且暮征壯心與落日了的向波明

澗富嶺赴安福

三月赴安城遙攀嶺路行前驅真避虎絕壁亦啼鶯周覽物色換極高雲氣迎俯看南贛路孤舸會將征

其二

山行忽百一步步山情新蘿擁千盤透花齊萬谷春寒

暄不異地憂喜暫隨人默誦垂堂戒私嗟名利身

鬱孤臺

朔日送客返慨然登鬱孤悲歌為閩廣指顧盡江湖南  
俗羗夷雜北流章貢俱兵舸尚滿眼繹繹詣饒都

曉至鄔子驛

湖夜乘風過天明見驛樓數家依獨樹落月隱春洲日  
抱越峯上江奔吳徼流姚源東水外兵甲氣還浮

再至玉虛觀

龍沙欣自昔久泊遂今期雨露新松大丹青舊殿移岸  
雲通繡拱江日抱金池欲倚門東閣愁看日暮時

仙樓

仙樓忽欲暝鐘鼓下江煙獨坐一燭秉當門新月懸石  
寒壇近斗沙靜樹浮天半夜朝羣帝珊珊羽節還

與駱子遊三山陂三首

庫部平生友湖山百代心追思宮闕地蕪沒水雲深連  
馬穿蘆入羣鷗坐石吟誰能堪落日莽莽古城陰



其二

丘壑胸應滿乾坤眼獨真揚鞭指河洛立馬說周秦古  
墓笙歌地前朝戰伐塵秋風颯颯起白草正愁人

其三

日扇逢林却風旗改路迴悲涼元此嶽攀陟復何臺雲  
破遠峰出天秋孤鴈來明朝異南北歸騎莫教催

上方寺鐘樓

臺上一鐘鳴登臺萬里平蒹葭天正遠雲氣暮還生饑

雀喧空澤黃蒿斷古城不堪臨眺屢況是感秋情

其二

危閣秋登霽寒煙晚坐重長風欲動地落日故銜峰葦  
颭騰雙鷺雲拖挂一龍此懷吾不淺怪爾暮鳴鐘

金山

狂瀾日東倒此嶼忽中流蜃學樓臺結龍專瀕洞遊光  
涵天上下影變地沉浮解識超三象何須問十洲

其二

歷險仍攀閣窮高更指臺一身銀漢上四望鏡波開吳  
楚地形伏江淮秋氣來暮潮益滾滾風葉下崔嵬

其三

寺立江心古人遊秋舸新魚龍狎不浪草木潤長春忘  
險卑崇構貪奇健病身無為孤柱恐焦鳴接嶙峋

空同集卷二十七

欽定四庫全書

空同集卷二十八

明 李夢陽 撰

五言律

乙丑逢先大夫誕辰是歲適蒙恩詔加贈製字

四十用寫哀痛

冬季二十一日

老大思童日詩庭儼昔趨  
羈孤萬里外優渥死生俱  
寂寞臨花誥幽冥列大夫  
西雲白蒼莽灑血望松梧

兄以西堂落成益悵然有念於二親余心交痛

頌義追德爰成茲詠焉

矯矯江都相淒涼楚穆生家貧無立業道大不求名破  
甑常蛛網空除任鳥行肯堂兄不忝應慰九原情

讀直道陳公祚遺事

上主能容直當言敢顧身累朝傳諫劄萬死作歸人古  
廟穠花晚孤墳勁草春從來汨沒士特筆在詞臣

哭郡守郝公

征歛無休日斯人不永年曾聞溪虎避早見壁魚懸頌

碣留邊郡銘旌拂塞天九河一孤塚愁絕海門煙

哭張子

張子者平谷張子禴也以都御史鎮遼東顯矣然  
無何卒李子者張之舊僚也聞之哀焉於是作哭  
張子二章語曰歲在龍蛇賢人嗟張之卒庚辰歲  
也

虎豹威邊日龍蛇哭爾年故人今若此吾道合潛然部  
曲歸旌擁風雲舊國連薊門秋草徧何處是新阡

其二

翰海龍真泣遼陽鶴竟歸壯心元鐵石神爽尚旌旂光  
繞新埋劍香殘舊賜衣至今生仲達猶怯孔明威

謁平臺先生墓

宜說嬉遊路今成昔雍門平生馬公帳四海孔融尊劍  
烏收殘草山河抱古原黃昏不忍去白日下蒿園

溫將軍挽詩

不見千夫勇誰開百戰圍門猶森畫戟苔已蝕金衣俎



豆諸郎奮山河奕世輝黃昏兩白鶴偏繞北邙飛

聞鄭生死豐沛舟中

短劍英雄氣孤舟疾病身那知生別後竟作死歸人  
汴柳詩筒斷江花總幔新白頭交誼者灑淚向殘春

其二

客櫬收豐沛歸舟渺越吳扶持有令弟書劍付遺孤  
墓草親朋隔山松舊業蕪當年走馬地魂繞孝王都

風

鈴閣晚猶急月窓宵漸輝  
稍驅雲霧散翻重雪霜威起  
坐爐須擁晨看木盡稀  
徘徊問氣勢恐逼漢宮闈

春夜雪

獨客初春夜孤城急雪時  
戰風纔白地欺月已平池  
數聽鴻飛亂虛愁花發遲  
世無戴安道誰見剡舟移

餘雪

饑鶩側目過餘雪且紛紛  
風起惟催霧天空故縱雲回  
聲捎竹細疊片壓枝分  
憂國非吾事占年亦自欣

春雪時帝在宣府

鴉鳴曉雨至零亂忽成花著地融難白隨風弱易斜  
色應疑燕雀寒恐滯龍蛇塞路今休擁春風返翠華

立春日雪

獨有梁園雪風花賦裏寒婆婆娑遇春日醉起倚樓看鳥  
動紛離樹人來故上闌相逢亟農事誰暇問袁安

鸚鵡

鸚鵡吾鄉物何時來此方綠衣經雪短紅背歷年長學

語疑矜媚垂頭知自傷他年吾倘遂歸爾隴山陽

詠部鶴

寄跡含香舍淹情嘉樹林長鳴如有訴狎俗到如今不染風塵色常存霄漢心會應王子晉接爾向嵩岑

詠鶯

嫋嫋花絮亂交交黃鳥歸慙慙度碧葉迴轉惜金衣不向艷陽語似傷儔侶稀王孫多彈射莫羨上林飛

詠白兔

趑趑來何處爰爰上玉堂不因丹竈躍那覩雪毛香晝  
日行疑月炎天卧有霜異時歸搗藥莫礙廣寒光

鴈

旅館經花夕哀鴻時一聞孤鳴元赴侶亂語欲驚羣漸  
起隨邊角遙傳隔塞雲更深何處落斜月轉紛紛

衝鴈

可怪鄱湖鴈昏飛猶自羣乍翻還近舸忽起盡隨雲浦  
闊看疑小山長去不分祇疑南下盡猶阻北書聞

白鴈

八月白鴈至中宵聞爾哀亦知先伴起無為報霜來月  
靜飛難見雲深去不回故園消息斷愁病轉相催

襖中見鴈

秋風羣鴈過萬里順歸毛搖落已如此雲霄空自高盈  
盈拂楚塞冉冉影湖濤定出邊烽裏哀鳴嗟爾勞

菊

日麗秋霜白天清野菊黃亦知甘隱逸偏得近壺觴屢

折元因醉斜簪一任狂乾坤傳舍耳節賞莫思鄉

菊時一種數本其一逾秋獨妍爰及至日黃華  
韓然當庭見者駭歎攜酒來賞余賦二詩紀  
之

節過諸芳盡冬深爾獨妍那知冰雪候復敞菊花筵  
凍黃逾嫩枝疎綠更鮮試令彭澤見應費掇英篇

其二

正色干嚴候殊姿破暮寒名均梅自妬節晚竹同看歲

月陽回易冰霜爾立難無言載酒客繾綣近闌干

菊遲

吾家數叢菊節近未含姿種日人同早開時爾較遲編  
籬護密葉繞砌嗅寒枝切恐重陽至無錢足酒卮

丈菊和王左史

丈菊今朝得低垂九尺闌發遲冬已破移早露猶團食  
藥寒難及憐芳仰屢觀縱令他處有爭伴醴筵歡

葡萄



舊幹疎曾訝新條密更垂  
苑花深悄悄風葉漫披披  
馬乳秋同摘龍鬚世豈知  
相傳自西域種雜至今疑

聞蟬

夏林疎過雨秋意爾能知  
響入雲俱迴聲迴風故吹  
抱貞惟隱葉避害屢跳枝  
多少垂楊裏爭吟日暮時

詠蟬

孤清不自掩浥露且風吟  
漸送炎蒸月那知獨苦心  
傍齋棲樹穩響葉度雲深  
已信一枝足何須上國林

詠庭中菊

亦隨羣草出能後百花榮  
氣為凌秋健香緣飲露清  
細開疑避世獨立每含情  
可道蓬蒿地東籬萬代名

小燕

小燕羣顰朝游夕每歸  
踏枝搖復穩疑路止還飛  
日月銷黃口風雲長黑衣  
吾家廬室隘好向玉樓依

小雀

黃口青條上翩翩  
索哺頻解飛猶趁母真性不疑人  
列

鼎肴蒞待空城彈射巡野田未忝遍何處不宜身

小鵲

簷際翻翻鳥將雛啁啁行攪眠真懊惱傳喜不分明化  
印何年就填河幾日平徒然盛生息羣噪每能晴

華嶽二十韻

有嶽雄西土三峯插渭川省方朝白帝分野障金天  
逖矣威靈赫遐哉秩望虔百王開寶籙七聖演瑤編  
綺殿丹青列文窓俎豆聯風雲蒸大壑日月避層巔  
驚舉天

門闢鰲吐地軸旋巖巒莽翁杏嶺嶂鬱繇翩猿挂仙人  
掌蘿飛玉女泉霞雰夕的皪錦繡曉相鮮葛藟搖金壁  
芝苓冒紫煙石膏滲復結鐘乳滴猶懸右壓秦胡壯南  
包漢鄧偏徒追散馬日緬憶祖龍年箭括通神戶雲臺  
秘妙筌豈惟棲鳳侶亦以遜鴻賢方士騎茅狗宮人採  
石蓮褰帷瞻窈窕拄笏悵攀緣陰井邀雷馭陽崖起電  
鞭聊遊凌絕頂不為學神仙

新秋值雨十韻

積雨塵營寡端居羈思繁火流驚暗換鶴濕想孤鶩鬱  
暑終收虐新涼已破煩覓詩謝眺閣高枕右丞軒簷溜  
衝花落籬端卷葉奔隨龍動玉闕辨馬失金門車案螢  
那聚歐齋蛩已喧造朝疎雨具邀友阻吟尊塞國柳應  
盡上林花幾存忽思未  
在野躑躅望朝暾

五月大雨省中八韻

五月行秋令新寒奪盛溫萋萋雲色暝颼颼雨聲奔啓  
戶涼風進臨溝驟浪喧連山浮海氣大陸走河源已阻

金門謁疑將華屋翻夜更燈燭坐晝輟簿書煩豁霽思  
長劒歸栖憶故園解誦愁霖作泥中非遁言

紀變

元年建申月彗出掃寒芒勢掩旁星布光於中夜長連  
斥竟大老密奏合文昌台以司空坼星知上將亡流通  
人事邇仁愛帝心藏忽憶臨崩詔看天淚數行

其二

太白今宵見光芒何太明經天復晝見國難且胡兵度

影休銜闕低空幸隱城天高聽亦下人勝運須更避殿  
惟皇切推輪遣將誠敵人行就縛飛慰諒閭情

冬日靈濟宮十六韻

貝闕崑崙外浮生此路疑蓬萊移禁國塵世出瑤池萼  
爾雙仙跡飛騰後晉時論功竟恍惚識兆且逶迤慙慙  
精靈託呼噓霹靂隨先皇親議號繼聖必修辭爵陟王  
侯上尊同帝者師龍襦分內錦宮女準昭儀雨露宮城  
切星辰天仗移琳琅搖繡拱松柏蔭丹墀瓶內金花踊

龕前紫鳳垂晴還日月秘暝則鬼神悲玉鼎推龍虎瑤  
編述姁兒漢惟樂大顯秦竟羨門欺五帝非無術千齡  
今見誰累朝盟誓冊玉櫃少人知

簡何舍人二十韻

黃扉通內閣左順切文華密勿君臣契尊崇禮數加詞  
頭存故事國體與宣麻奏絕銅函密封非墨敕斜四門  
欽舜闢隻日鄙唐邪乾斷人心協風淳主德遐萬方咸  
就日六合迴為家司馬元牛走卧龍曾兔置吹噓振羽



翻變化奮泥沙邦計思劉晏兵謀愧左車分番春扣閨  
捧牘晚歸衙影拂垂城草香攜出苑花簪經違白虎投  
筆困青蛇每憶仙池鳳私慙省樹鴉拘羈那有適追琢  
冀無瑕不忍醒為醉胡由玉倚葭聖朝巢父耳荒里邵  
平瓜稔抱丘園欲私祈紀運嘉鳴文極燕許熙載老姬  
牙帝澤川歸海浮雲莫蔽遮

少傅西涯相公六十壽詩三十八韻

龍馬千年會崧高萬古神負圖曾翊聖間氣又生申穎

拔元無敵清脩況絕倫生來近日月齟齬上星辰懷橘  
休前輩探鐸抵後身早承金馬詔竟冠玉堂賓講幄時  
霑醉宮坊數賜珍文章班馬則道衍孟顏醇絕藝邕斯  
上高情頡頏隣一揮驚霹靂隻字破風塵絢練王侯宅  
蒼茫海嶽濱幽劄光沕窟巨榜照嶙峋星燦將軍碣雲  
垂學士珉崖題半吳楚墨刻徧齊秦振鷺天衢麗登龍  
野服臻諸生彌濟濟夫子益循循江漢誰堪濯桃梅自  
有春空傳馬融帳真慕介休巾憶昔逢先廟援公輔大

鈞至人虛密勿君子以經綸商鼎調和切虞廷吁咈頻  
八方生氣象萬物荷陶甄日宴離黃閣雞鳴侍紫宸羨  
分紫駝背袍錫錦麒麟顧命留元弼今皇禮舊臣屹然  
匡社稷公論在朝紳鵷首星躔徙龍飛歲序新風雲回  
甲子天地慶茲辰却老形如鶴憂時鬢若銀含悽麾賀  
客雅志為蒸民愚也蓬蒿士蕭條塞鄙人猥蒙嗟弱羽  
從此躍塗鱗原憲終多病彭宣晚見親臨洋徒歎惋學  
步轉遭迍寶繪開蓬島清歌頌大椿微涓寧溢海撮土

詎增岷古意同如此中懷托具陳願為金石檄永永濟  
迷津

在獄聞余師楊公誣逮獲釋踴躍成詠十韻

六苑中丞府三邊大將旗先皇親授鉞報主獨寒帷朔  
漠威名壯風霜鬢髮衰功高元避賞道大不容時丞史  
輕周勃朝廷重子儀未論遭鵬鳥先已縱塗龜北固潛  
夫早東山起謝遲蛟龍沒海闊日月倒江垂杖屨金山  
寺文章鐵甕碑終頒陸贄詔四海漸瘡痍

赦出館李真人別業顧侍講清暨汪編修俊俊  
弟編修偉許枉訪不至十韻

開業傍仙宮逶迤金闕通綵雲偏近日瑤草靜含風野  
性耽沉寂攜遊想數公秋林葉自落露井果猶紅搖筆  
憐清景吹簫望碧空寒山萬井外滄海五陵東却笑籠  
鵝侶翻成失馬翁生涯真畫餅故舊各飛蓬對食懷金  
馬開筵列玉童不知東閣士清論幾時同

赦歸冬日宴劉氏園庄十四韻

脫難旋疆里行歌入宋中陰陽雙轉轂天地一飛蓬憶  
昨遭拘執悲傷途路窮鄰生猶雨電列子竟乘風歸作  
墟中叟來從河上公壺觴聊假日村塢坐書空卜築劉  
園麗芳菲漢苑通冬亭饒霧露陽井下霜虹候煖冰桃  
熟林空晚柿紅玉芝穿曲檻青篠蔽虛櫬樂極悲心發  
時違感慨雄古人隨蔓草吾道付冥鴻去魯情難忍遊  
梁跡豈同重思竊符子攬淚宋門東

冬至劉氏園庄十韻

曖曖寒城曙，繇繇野徑紆。  
初陽升古戍，白露靜園蕪。  
款客琴尊並，開堂松樹孤。  
登高望雲物，極目散江湖。  
澤虵龍伏芒碭，鴈鷺呼行藏。  
虞氏傳勲業，阮生途且盡。  
留連飲休嗟，序運徂羣蟲。  
迎節動百卉，待春蘇日月。  
悲羈旅乾坤，識故吾寄言。  
招隱者，斯地有潛夫。

冬野觀射三十四韻

繁臺一名講武臺

雲驥橋邊路，繁臺寺畔亭。  
登臨壯古昔，時序歎沉冥。  
乍見芳草歇，那堪霜霰零。  
久殘拍自秀，春逼柳先青。  
叨有

衣冠會能教酒盞停狂將賓作主興與醉為醒講武仍  
存記威弧合準經鵠違遵取驪貍獲放懸庭矢勁風推  
疾弦開月避形奔狸失故窟矯鶴墜生翎疊發無單中  
虛歸必染腥叔才羞縱送蒲弋愧娉婷末德矜先捷高  
賢哂一丁雖非尚力藝亦異養心靈改服遊荒寺攜壺  
扣寂局雪光搖凍薄冷鳥下昏汀宿鵲爭品坎鳴鐘出  
石櫪哀因樂乃發慮以道為寧憶昔遊梁始伊余實孺  
齡探鐸遊汴館懷橘向王庭十五飛觚翰冠年志典刑



彎弓獵草澤走馬向林垆頗類沙頭鴈還慚水上萍謬  
隨朝日月過舉犯雷霆擯斥傷垂鵠棲遲學聚螢無論  
顏灼灼已睹髮星星岩眺殘雙屨川游寄一舸烟霜日  
慘慘河漢夜泠泠感舊聊今詠勞歌啟後聽世情真箭  
括吾意竟雲駟嗜武非良節摛文豈至馨緬思美門子  
永慕令威丁海帝金銀闕江妃碧玉瓶終當別茲土長  
嘯入滄溟

六月豫章城角樓宴集二十六韻

逃暑宜高會登城復此樓開窓萬里盡近檻一江流城  
勢銜天闊山形抱郭幽登臨出百越指顧見東甌暇日  
羣公集飛軒六月秋管絃邀落景觴竿散清眸俯寧雲  
偏擾迷波地欲浮時花紛浦淑昏鳥識林丘忽在三辰  
上真超萬象遊寰區憐溷濁車馬鬱喧啾解帶烹魚飫  
揮毫藻麗酬微風閒白羽岸幘送沙鷗自昔觀中宇洪  
都實上游匡廬巍律律彭蠡浩漭漭節鉞唐開府春秋  
楚大州文章滕閣最風節穉亭優下榻塵埃滿鳴鑾藥

事收濤聲還粉堞草色自芳洲已有興亡感兼懷盜賊  
憂羽書諸道急節制大臣留立見鯨鯢戮私防玉石仇  
干戈沉戰艦風浪羨歸舟河嶽縈三晉秦關啟二周凭  
闌慙後食彈劔想前脩解組陶公性思鄉王粲愁獨啜  
非燕頷猶自說封侯

鄱陽湖十六韻

太祖平陳日樓船下此湖波濤留壯色天地見雄圖水  
上開黃屋雲中下赤烏士猶詢後載戈已倒前徒力屈

鯨鯢仆聲回鴈驚呼橫江收玉筍跨海定金符文軌遙  
通楚梯航訖至吳虎賁雖莫敵龍戰豈全辜血染猶丹  
草骨沉空白蕪汀洲夜寂寂霜月鬼鳴鳴殺氣龜鼉徙  
腥風島嶼孤甬人拾古鏃艇客慨秋菰偉彼高光烈還  
將蕭鄧須英謀協睿筭勇奮想長驅劒瘞神仍王舟焚  
勢與徂康山巍廟在忠武激頑夫

哭徐博士二十韻

乾坤風色暮江漢哭斯人棘寺翻飛日文園久病身數

奇官竟左材大命須貧放浪原違癖羈淹祇為親赤城  
終羽節壁水暫儒紳鵬鷄偏垂翮鯨鯢不縱鱗回殂豈  
道薄屈憤轉時屯藥石魂能返龍蛇識亦真楚狂嗟鳳  
鳥魯叟泣麒麟邂逅京華始風雲氣象新蓬鵷陪玉筍  
倚馬接華裯宅燕南陽月花吟東郭春回頭成宿昔開  
眼漸風塵妻子今誰託文章後益振王喬跨鴈鵠傳說  
化星辰松柏丘墳坼沙劍烏陳閭門寒擊甕吳水痛  
沉珍宿草扁舟阻生芻絮酒伸碑非蔡邕愧誅豈仲宣

倫獨把延陵劍吞聲淚滿巾

南浦驛

款壘因王化投荒荷主恩官為供廩餼詔許挈兒孫瘴  
雨凋邊服蠻鄉引塞魂分明共日月耐可異乾坤慘澹  
顏容變軒昂故性存彎弓望五嶺似欲遂平吞

貢院雨夕柬僉僚內江李君十四韻

鎖院春霖積分司湖水遙萋萋灑書閣藹藹度空寮葉  
洗臨軒翠花含向客嬌扣簾時攪食翻卷夜焚膏竟誤

朱衣點那防白鼠跳蛟龍雲雨會牝牡驥羣挑忽有同  
宗念爰申獨處謠涕流真慕賈兵論每淩晁意氣陳雷  
許時名李杜超暫違萌鄙吝相憶減丰標草徑青迷馬  
楊津綠漫橋樓臺迴暝色江海劇風潮恒切毛錐歎常  
懸寶劍招橫鱗詎池沼鵬鷄快雲霄

龍沙遇毛君武亭再餞

羈鴻常慕侶谷鳥友先求不盡龍宮興翻成虎帳遊夏  
深濃岸柳雨減出蘆洲棹艤北沙穩山迎西戶幽江湖

半落照風水獨離憂舊部羣公薦新符百粵州天浮洞  
庭闊海盡日南流白首今遙別金尊莫惓留

秋日訪王生山中因與攜酒躡嶠探蠻王洞觀

古刻遂逾嶺造峴石而飲二十二韻

舊見今相聚新秋爾一過我尋龐氏鹿本美右軍鵝草  
木疎孤峴霜風落漢波紆徐習池轉巉峭寺林多道器  
沉冥蘊天倪吐吸和違羣甘衆吻守一賴神訶貧擬懸  
鵜憲廉持訓蚓軻甲橐魏世業章甫發賢科獻策黃偏



斥逃名籍每配巨魚行縱壑隻鳳且遊阿嬋嬋交簷桂  
菁菁被隰莪柴門伴老衲蕪逕謝鳴珂園賁幽人吉谿  
盤碩士邁卜隣王翰欲懷里仲宣頗去就堪余哂生涯  
奈路何昔人竟誰在吾道合狂歌逞醉探雲嶠逾巔憇  
石窩洞昏剥字蘚巖裊掛巾蘿一水寒明練千峯暮集  
螺笑疑搖地軸手可拂天河窈窕奔山鬼光華掩珮娥  
預防義馭速取辦魯陽戈

寄陸子深二十四韻

為復淹邦邑旋仍寄海城一看東泖月幾喚北江鶯地  
濕身曾健潮喧寐果驚鳥情終急哺驥子竟何成踽踽  
形將影滄滄弟憶兄累朝誰直筆四海獨蒼生前漢留  
班史雲間挺陸衡餐揮巨口鱸卧聽九皋鳴方朔元金  
馬長門足長卿文章會琬琰舉動必鏗錡夜有青藜引  
晨趨華蓋行數甄楓禁切視草藥階清夙昔鄱陽使伊  
余擁幘征雲霾負嵎虎風湧駭波鯨黯黯川原血轟厖  
玉石傾衣冠函竄突戟劒戛摩爭即幸緘書達猶慚虛

左迎扶搖冀奮翼  
驤褭忽垂纓  
混沌玄黃戰陰沉  
日月精眉山亦按獄  
谷口合歸畊  
早見羞張摯  
交讒似屈平  
竟陳徒憤鬱  
高義抵拘儻  
茫渤任公釣  
緱岑子晉笙  
吾衰尚餘此  
長嘯舞霓旌

送陳憲使淮上兵備

世徑轉蓬勤清秋袂一分攬綏霜  
日肅前路鼓笳聞誅  
卯元兼武出師非乏文  
渤光搖組練淮色變風雲  
陣偃龍蛇互威行虎豹羣  
檄須陳記室客有孟叅軍  
校獵歸

常月投壺醉每曠推牛將士飽賣劍婦男耘河伯黃樓  
壓芒碭赤氣殷徐人信慄悍楚壤鬱氤氲諸盜山東起  
長驅宇內焚斯邦寶兀兀朝論日紛紛挽漕初疑阻提  
兵竟策勲瘡痍鑒不遠喉脇仗須君鷄擊豺狼伏春敷  
草木薰異時功業地孺海接江濱

寄贈余子

余子去吾久行藏今若何黃山住實近白髮爾應多身  
以煙霞癖心通日月和龜蒙元倚釣康節竟成窩林壑

潛虬日江湖放鷁過鄉人欽杖屨世路笑風波初度臨  
奠菊高筵敞薜蘿橘陳屈子頌鶴擬李生歌日落峯回  
色雲香客半配壽杯思欲把惆悵隔三河

雨宴封丘別第

飛蓋凌晨集行宮映雨開天為歌鼓動霧拂舞筵迴賓  
客梁王盛山河故國哀長沙悲舊傳屠市隱真才憶昔  
兒童聚惟今老大催達人元曠逸萬物且形骸樂混寒  
聲沸尊添暝色來斜風霽綺席疎點灑金杯雜逞龍仙

互先爭虎豹摧轉眸升旭日覆手下秋雷尚有懽娛歎  
須防禮法猜門衢汨泥淖莫遣引燈回

黃君五十六歲始舉一子是年余亦有次郎黃

冬官也厥父尚書余故得侈其家世

異骨成何晚真毛產固殊雲移丹穴種霧滃渥注駒驀  
墮懷中月俄橫掌上珠試啼存大鑑摩頂協玄符彌月  
翻身健暮年認父呼聿曾提俎豆詎但識之無鄉里論  
前輩尚書挺後模終於金石貫貽厥鬼神扶冠玉元諸

子含香矧丈夫急流棄軒冕長嘯即江湖人每占瞿後  
天應福趙孤外家邠老裔晚景樂天雛瑞擬連胎蚌賢  
期返哺烏星辰追履上詩禮紹庭趨抱子誰非足憂時  
爾實迂向來顛種種今始覺于于失路均浮梗為隣獨  
守株弄璋亦偶爾獻璞欲何須漫俟兒童長虛愁日月  
驅龍豬吾暇較天地幾桑榆

秋日城東陂餞汪三

聚首仍何處分襟復此陂衣冠屯綠淑笳鼓截清漪自

爾為三益伊余畏四知周交醇稔飲車坐衆賓嬉歎息  
今遲暮那堪古別離池臺杜甫徧舟楫謝安移棹撥天  
疑破窓旋岸欲隨涼風下菡萏人語避鳬鷺暫輟蒹葭  
唱真生霜露悲但看眼前事能負手中卮歛邑誰黃髮  
汪門汝白眉少遊梁孝苑老動李鷹思杳杳憐江海悠  
悠悵路歧餘霞散錦繡落日湧琉璃雲物秋元異懽娛  
夜更追寒蟄依斷梗微月隱疎籬逸氣衰猶壯睽心醉  
不知淚深南浦草愁重北梅枝飲罷還持袂潮平是去



時相尋有遙夢應繞碧湖湄

雪臺子家見杏花

九陌春風起居庭一見花偶來吾下馬先有客停車猶  
是輕寒日那禁爛熳霞覓詩巡獨樹汎酒摘高葩色故  
流衣袂香能染帽紗眼中俱是幻身外豈須嗟冷暖隨  
人事行藏付物華明朝約重賞莫遣落塵沙

贈王秋官二十四韻

紫氣開三極皇風穆四陲  
嶠嶠金虎地瀟灑白雲司東

拔才賢入飛騰位望推呂條元慎罰虞典固先疑聿自  
刑書鑄相沿律令垂歷朝徒異議聖代實宏規域皞麒  
麟至圖空狴犴離羣居搜簡帙高揖講黃義眷此驂駟  
種曾於汗血知鯉庭真獨授鴈塔果爭馳爾在通家子  
余慚私淑師豪驚文考試智讓孝娥碑道路分雙旆江  
湖把一麾閣清霜並肅車動雨偏隨禮樂徵王粲聲名  
米杜詩大龜終納錫威鳳合來儀振珮游香署裁冠侍  
玉墀皋陶淑問日季路片言時汝遂青雲致吾寬白髮

悲仕途迂謬逐丘壑太平宜但看陰陽轉寧論桑海移  
雪溪王子棹竹墅謝安基顯晦誰能料流行每若斯寄  
言諸彥碩努力赴前期

贈復齋子二十韻

宜謂懸弧日今逢獻機辰

丁亥十一月十九日冬至

梅樽初介壽霞

管暗浮春王國多賢者朝廷是聖人八荒元皞皞七世  
益振振北斗天元氣南陽帝近親方城鬱律律江漢白  
粼粼憶昔生申甫崧高實降神一陽消長意七日往來

因刻志耽經史忘形下縉紳座無絕纓客門有曳裾賓  
楚醴朝朝設梁園事事新心於業遂廣性以學而淳禮  
樂河間竝文章子建隣八公傳訣日三老述年晨瑞霧  
濛朱閣香塵擁畫輪筵開金玳瑁煙裊玉麒麟避地淹  
叢桂停雲詠大椿力耕知稼寶苦節愧儒珍欲振扶搖  
翮其如潦倒身呂嵇千里駕終擬託雷陳

陶行人宅贈

大道僧門對蕭然陶舍深未論五楊柳真懸一素琴坐

向霜烟夕時聞鴻鴈音城笳流海思邊月起秋陰苦勸  
蒙騰醉應懷長別心但看得雲翼冥冥誰竟尋


漢上遇鍾叅政

長安一為別十載但書傳我自河南至君來自沔川偶  
逢知萬事重會是何年館靜風依馬江鳴雨濯船情多  
看轉默酒後惜分眠明發孤帆疾愁經大別邊

登盤山頂顧望三湖

為訪三湖寺春山獨自來千盤不到頂萬壑劃爭迴石

罇鳴鷄犬林風過虎豹俯觀侯趙樹西望白雲臺峯日  
明寒雪谿泉激暗雷若非武陵口那得有桃開



空同集卷二十八

欽定四庫全書

集部

空同集卷二十九

三十九

詳校官監察御史<sub>臣</sub>龔驥文

中書<sub>臣</sub>劉源溥覆勘

總校官進士<sub>臣</sub>繆琪

校對官中書<sub>臣</sub>袁文節

謄錄監生<sub>臣</sub>李傳燮

欽定四庫全書

空同集卷二十九

明 李夢陽 撰

七言律

赴郊觀宿

城邊水色淨春茅苑外鶯啼拂露梢  
萬戶煙花臨複道九天宮殿鎖南郊  
霓旌夜發清溪繞彩仗晨飛碧樹交  
身到釣天渾不解坐聞仙樂下雲旂

曉詣西壇候駕



萬宇沉沉曉漏催  
九關魚鑰遲明開  
闐闐鼓角空中起  
片片鑪煙霧裏來  
氣結龍文隨御幄  
風傳虎旅發仙臺  
叨從百辟觀周典  
不向秋風數漢才

西壇候駕即事

太歲宮高接禁牆  
先農大纛兩相望  
陰陰背日朱旗閃  
黯黯參天翠柏長  
別殿鑪煙清幄次  
虛壇草色淨琴張  
祠官指點躬耕地  
田畷行瞻袞鉞光

扈從耕藉

天行近野團龍蓋萬姓環門識袞袍  
竟畝難寬卿相力  
藉耕無乃聖躬勞  
侵壇碧草茸茸起  
去殿紅雲冉冉高  
已忝賜筵思報述  
即陳潘賦愧詞曹

桂殿

桂殿芝房曙色通  
垂垂苑柳綠煙中  
桑乾斜映千門月  
碣石長吹萬里風  
已有金吾嚴御陌  
遙傳玉輅下齋宮  
侍臣鵠立松陰裏  
時倚紅雲望碧空

謁陵

本朝陵墓傍居庸聞說先皇駐六龍  
一自玉輿回朔漠遂令金殿鎖秋峯  
明禋袞職雖多預備物祠官豈盡供  
報祀獨知今上切每於霜露見愁容

秋懷

龍池放舶他年事坐對南山憶往時  
紫閣峯如欺太白昆吾山自繞皇陂  
雙洲菡萏秋堪落亂水蒹葭晚更悲  
谷口子真今得否攀雲騎馬任吾之

其二

慶陽亦是先王地城對東山不窰墳白豹寨頭惟皎月  
野狐川北盡黃雲天清障塞收禾黍日落谿山散馬羣  
回首可憐鼙鼓急幾時重起郭將軍

其三

宣宗玉殿空山裏野寺霜黃鎖碧梧不見虎賁移大內  
尚聞龍舸戲西湖芙蓉斷絕秋江冷環珮淒涼夜月孤  
辛苦調羹三相國十年垂拱一愁無

其四

苑西遼后洗粧樓檻外芳湖靜不流  
亂世君臣那在眼  
異時松柏自深愁  
雕闌玉柱留天女  
錦石秋花隱御舟  
萬古中華還此地  
我皇親為掃神州

其五

單于本意慕華風  
將校和戎反劇戎  
遂使至尊臨便殿  
坐憂兵甲不還宮  
調和幸賴惟三老  
閱實今看有數公  
聞道健兒今戰死  
暮雲羌笛滿雲中

其六

大同宣府羽書同莫道居庸設險功  
安得昔時白馬將橫行早破黑山戎  
書生誤國空談裏祿食驚心旅病中  
女直外連憂不細急將兵馬備遼東

其七

曾為轉餉趨榆塞尚憶悲秋淚滿衣  
沙白凍霜月皎皎孤城哀笛鴈飛飛  
運籌前後無功伐推轂分明有是非  
西國壯丁輸輓盡近邊烟火至今稀

其八

崑崙北極轉天河獨馬年時向此過渥洼西望迷龍種  
突厥南侵牧橐駝黃花古驛風沙起白雪陰山金鼓多  
況是固原新戰鬪居人指點說干戈

雪後朝天宮

馬上城中見雪山白雲蒼霧滿燕關蓬萊咫尺無人到  
松柏黃昏有鶴還當日翠華游物外百年金殿鎖人間  
浮塵擾擾江湖遠悵望巖棲不可攀

新秋見月

憶在黃河草堂靜坐臨秋月孤娟娟水門蕭條向蘆葦  
石瀨逶迤回舸船頻干祿食去多阻遠望江湖情可憐  
傳語魚龍莫浪喜抱珠今夜且須眠

春晴憶湖上

湖上晴煙積雪春柳條湖水接芳新林鶯恰恰稀逢侶  
岸日暉暉低向人汀芷渚蘭暄自碧浴鳬飛鷺晚相親  
弄移白日思漁舸嘯倚青雲愧此身

晚晴郊望



早時鳴雨晚細微忽有返照來荆扉山禽水禽交止語  
桃花梨花相逐飛村村柳條弱欲斷家家麥苗青不稀  
睡起登樓時極目出雲歸岫願何違

郊行

二月梁園獨未歸岸花汀柳各依依且將弱縷牽行騎  
莫厭繁香點客衣蝶暖風暄從自得鳥黃沙白為誰飛  
平生漫有憐芳興未老能令萬事稀

河發登望

七月七日河水發康王城邊秋可憐買魚沽酒此村口  
打鼓鳴鑼何處船白晝蛟龍時一關中流日月晚雙懸  
紛紛估客休回首漁子清歌會渺然

時景

梁苑桃花寒復開塞門霜雪鴈飛迴天涯涕淚秋偏墮  
歲暮陰陽老更催無病過年遊五嶽不眠終夜望三台  
歸鴻漸木終非地濁浪滔天首重回

見雲雷垂垂不雨悵然有作

大梁城東雲出雷掀風拖雨故徘徊黃鸝坐樹深無語  
紫燕銜泥阻未迴即恐孝娥為旱塚不聞神女傍陽臺  
火雲西日垂垂暮屋隙愁看返照來

聞傍郡雷雨

尉氏陳留雷雨深大梁猶繫望霓心當堦螻蟻亦愁思  
對面斑鳩空好音河朔樓臺安避暑塞垣金鼓助沾襟  
江蘼憔悴黃塵滿寂寞魚龍何處吟

盜賊

敕書新調蜀襄兵漢北關南寇未輕密邇千斤竹查嶺  
不聞滿四石頭城秦州即易通王貢棧道終難拔漢旌  
安得較如曹相國務農休申賀昇平

竹查山劉千斤叛地也滿四成化間

賊叛

### 喜雨命酌

毒熱兀兀滯梁城不眠聽雨到天明沙田易涸應全賴  
稂莠雖鋤却更生年稔不須防盜賊家貧兼得免經營  
紛披檻竹迎余笑遮莫尊醪起自傾

晚晴步園

覽霽羣芳媚小園  
步林斜日淨幽軒  
歸雲過雨時間濕  
並葉牽風對直翻  
幸有桑麻供暮景  
苦聞豺虎徧中原  
天開霞石熒熒晚  
瓦雀林鴉各自喧

正德辛未四月十七日簡書始至於時久旱甘  
澍隨獲漫爾寫興

苦蒸卓午汗交頤  
昏暝雨飛如颺絲  
舟楫自茲杳將去  
波濤滿意復何疑  
重書况屬臨門日  
江漢須看放舸時

肯信吾遊兼吏隱五峯彭蠡是襟期

旅泊雨夕聞鴈

季秋鄱岸陰陰雨殘葦折荷翻白濤此夜孤舟聞鴈語  
隔雲何處認風毛隨陽定慣湖波險避弋真驚塞角高  
南去北來同一旅世情人事莫蕭騷

日照

日照江烟翠欲重夢迴沙觀始鳴鐘浪於洪郡思洪子  
豈合松門有赤松萬事寸心徒計較兩間衰鬢且從容

靜來陡覺忘言好把酒看花意每濃

洪都以洪厓名松門山在新建縣

杪夏急雨江州

急雨吞江倒石根吐雲匡岳近城門驚雷不下雙蛟關  
孤電能開九疊昏白晝黃濤翻庾閣蒼崖翠木溜陶村  
乘時說有扶搖力六月東南見化鯤

繁臺春集

小徑緣臺春自花重堤飛閣盡雲沙能將白髮隨流輩  
奈有清壺遣歲華斷塔草垣增聞寂古城芳岸趁歌斜

忽驚旅鴈思南北海色邊愁入暮笳

僦居避隘般移之日雨乎適至厥時久燥

土市子東曹門西衡門之下聊栖栖古堂疎豁還高榻  
故國行藏有杖藜已多佳樹琴書靜復值炎天雷雨低  
幡幡麥秀真堪喜阮籍窮途未足啼

出郊

簡懶經秋此出郊野煙霜日靜衡茅林桃葉盡青猶實  
陂麥苗齊綠自苞堤曲獵狐穿雪窟塔巔彈鶴落風巢



隨心樂事非難取舉眼平生覺易拋

探春

老去探春每怕遲酒朋棋伴日相追無心柳絮當人起  
有意桃花背馬隨臺榭草蒿離亂後往來絃管古今悲  
幽崖尚慮殘梅在玉笛丁寧莫放吹

野園

春來無雨風常顛野園諸花更可憐輕車快馬此何日  
弄藥攀條看遠天撲酒遊絲低細細近人閒蝶過娟娟

真知白日繩堪繫莫使孤城入暮煙

冬歸繁臺別業漫興

莽壙孤城此卜居  
宋臺梁苑獨行予  
虛名馬愧千金後  
白首螢憐萬卷餘  
踏麥遽堪寒葉翠  
看梅無那臘花舒  
相逢莫漫嗔吾放  
野醉郊吟盡可書

雪日繁臺院閣酒集

臘朝廷向雪邊開  
倚閣風從萬里迴  
枯樹故當看處濕  
飛花偏墮掌中杯  
山河文物他年賦  
今古衣冠異地材

舉目蕭蕭改天色玉梯扶醉更登臺

雪後上方寺集

雪罷園林出碧梧上方樓殿靜虛無日臨曠地冰先落  
雲破天塔自孤爛熳此堂人醉散一雙何處鶴來呼  
邀留更待松門月今夜同君坐玉壺

歲暮五首

萬木蕭蕭俱歲暮疎梅脩竹可憐風三河晴雪飛鴻裏  
四海孤城返照中白首園林惟閒寂紫塵車馬自開通

誰堪物序驚前事况復馮高數廢宮

其二

臨除絃管益紛紛考鼓撞鐘處處聞蜀錦越羅連夜製  
綵蛾花勝逼年分流傳自是豪華地悵望能堪日暮雲  
澤草芊芊已新色鴈南猶起北風羣

其三

堂北融泥雲氣生堂南枯樹兩禽鳴冰霜眼過風須轉  
歲月心懸老自驚辭臘酒憐比舍餽迎春花欲上階明

壯圖回首今遲暮點檢塵埃笑拂纓

其四

歎往嗟來祇自癡未衰那即鬢如絲同朝鷁鷺雲霄隔  
故國松楸道路疑園草喚愁偏勃勃檻梅偷臘故垂垂  
端居寂寞無雙蒂強食栖遲有一枝

其五

歲當癸酉廬山曲冬盡扁舟記獨棲湖海合冰龍晝立  
谿林壓雪虎時啼陰陽晴晦雙過鳥南北行藏一杖藜

今日中原對河嶽暮雲回首楚江西

春暮丁丑年作

歲歲花時出醉歸傷心今日復芳菲善開朱杏非雙蒂  
懶嚮黃鸝只自飛海內詩朋官罷減城中酒伴病來稀  
庭枝爛熳催春暮日午風香獨倚扉

夜風堂前冬青架仆折其二榦曉雪驟至

冬青手植年真久冷日寒姿頗映堂追悔木闌晴未補  
忍教風榦夜俱傷亂階朱實離離靜仆雪青條舊舊長

翹首高雲憶松柏後凋溪壑轉蒼蒼

戊寅早春上方寺

地闢城空春自幽青松黑塔雲常浮入門鈴磬忽一發  
暇日臺池聊共遊連錢香來誰氏騎白玉競浴何年鷗  
醉筆要知吾漫興明朝休用碧紗留

無題戲效李義山體

曾倚清酣奏絳毫象牀冰簟玉樓高徐娘老去風情在  
班女愁來賦興豪秦柳日斜傷渭曲楚蘭春暮怨湘皋

仙根寂寞崑崙遠  
浪說人間有碧桃

蒔植甫畢風雪遽至漫爾有作

草樹新培置藥闌  
醉吟閒凭足心寬  
豈虞晨雪媚媚布  
無那春枝颺颺寒  
猶有一花當坐媚  
幸留雙柏與人看  
日晴紅綠應全勝  
為勸先生且放餐

為園

平生走馬呼鷹地  
白首為園學種瓜  
碧草故邀安石屐  
青天常滿邵雍車  
圍闌換土心真苦  
繞菊依松徑不斜



昨遇日晴閒自步別蹊桃李又風花

晚秋明遠樓宴集

斜日層城合暮煙新晴高閣敞秋筵衣冠四海追遊地  
霜露中原感慨年去鳥來鴻凭檻外飛雲落木把杯前  
回身忽在星辰上醉眼真疑到九天

新年作次喻監察韻

新年雨雪亦太恁十日中無一日晴豈應雷電除夜作  
復爾天鼓東南鳴諸軍幸擣蓮池穴大將宜堅細柳營

幾欲臨風撫長劔白頭還自笑書生

甲申元日試筆柬友

人生五十驚衰醜五十從今又數三老慢更何防市虎  
少狂曾亦濫朝驂鷁鷺舊侶俱鳴珮鹿豕深山自結庵  
短髮不須憂重白吾居元傍百花潭

百一作菊

九日詣東莊遇水則舟之同黃李二生

出門萬木吟風葉挈友重陽上野舟數月雨陰今白日  
一身天地此清秋逐時莊菊花初放應節村杯酒暫酬

晚暮更催雙棹返汴州誰信有滄洲

正月大雨雪遣懷

梁園春初雲不開雪花壓城滾滾來似有驅龍朝玉闕  
豈無騎鶴下瑤臺光牽五嶽黃煙動勢擁三河白浪迴  
欲向瓊樓問寒暖袁安今已卧蒿萊

陶君誇其分司桃花獨樹余往觀之賦此

老懶今來特為花花奇親見主人誇入門風片時時墜  
近酒春枝故故斜湖海一尊憐舊侶乾坤雙鬢愧年華

明朝許赴柴門約共醉東園萬樹霞

和君席上海棠賞之二首

老興看花不厭頻折紅攀綠總怡神  
孤枝解動雙樽影數朶能回四座春  
誰遣物華成歲色自多人世有閒身  
年來斷酒因脾濕為爾還應暫入脣

其二

餅中海棠亦太劇細小翠擁臙脂深穠姿故薰欲醉眼  
芳信暗傳嘗苦心偶逢一枝已自惜若臨全樹更須吟

花時不道天無意一日常橫半日陰

莊上看花歸見庭中海棠落英與客同賦

三日野花風打稀朝遊酒伴暮醒歸臨門天挑不汝惜  
當院海棠胡自飛已憐錦繡半鋪地更訝芳香時點衣  
便應與君酌明月醉眼天地生光輝

春日過黃公新堂

黃家新堂逼春起紫燕尋巢時自來久陰煙雲眼底豁  
乍晴河嶽窓中開物情野色且幽寂日光人意能徘徊

持杯布席就芳草醉深同卧林邊苔

夏日

稍喜夏來天日晴遽看諸物盡生成  
纍纍杏實攢高蟻赤赤榴花坐小鶯  
晝夜寒暄猶混雜乾坤清濁固分明  
留賓酒茗吾能供春笋滿林今更生

陶公過曹濮分司見叢菊蔓草中移之自隨有  
詩傷之豈以為家物耶余覽而和之

野館寒芳抱自知好吟公子發秋悲  
春風世路元桃李

霜露鄉關有鬢絲三嗅草萊行復立數株車馬載還隨  
東籬可謂君家物竹帛勲名晚節垂

正月四日始出赴黃子之宴南隣何儀賓以美

醪助杯即席口占

杜門常日追游少新歲初筵獨詣君幸有隣家能過酒  
況多賓客善論文樓臺霽日斜含雪竹樹和煙暮閣雲  
入夜不歸雙燭秉近尊猶喜落梅芬

陶王二君來賞牡丹

同城何苦不同歡  
况復春風到牡丹  
香滿正宜攜酒問  
色深翻奈近燈看  
綠雲黃霧晴長擁  
澹月微霜夜故寒  
任使羣芳妒傾國  
古今須讓百花冠

冬日學司偶見庭菊

凍雨晴霜爾自開  
偶逢私恨過秋來  
違時只為含中色  
入藥終須顯上才  
已許數花卷袖采  
能分一本向籬栽  
冬巡若憶重看約  
莫使文韜觸雪迴

晚秋東莊宴集



郊園秋晚只風林冠蓋羣遊是盡簪楓葉近尊朝映日  
菊叢淹坐暮橫陰霞故引旌旗色鳥雀應疑簫笛吟  
月底金鞍散歸馬野雲回首少微深

二月望留雲閣雨集

今年花朝花爛開春風細雨臨高臺繞闌紅濕舞英重  
隔窓黃閃流鶯迴連日霖霖地已足薄暮風雲天更來  
眼看萬物歛生色爾我胡惜黃金杯

海棠爛然要諸君子賞之分韻得壺字二首

繞樹巡簷興恨孤，  
縈紅繁綠似渠無。  
童知小徑晨先掃，  
客有高軒夜特呼。  
已拚落英欺舞袖，  
更堪歌鳥勸提壺。  
幸能老去花常健，  
遮莫尊前醉共扶。

其二

春深花樹爛模糊，  
花下朋遊酒一壺。  
帽側故寒輕朶插，  
席安仍取積英鋪。  
日烘擾擾蜂能趁，  
煙動關關鳥更呼。  
客散獨燒高燭照，  
老來真自笑狂夫。

雨中海棠

憐花常欲報花安醉眼冥冥雨自看  
朵朵胭脂深更濕  
杯杯竹葉滿須乾等閒細片休輕落  
率爾春風且恁寒  
朝為行雲暮仍雨淩波獨立汝應難

艮嶽篇

宋家行殿此山頭千載來人水一丘  
到眼黃蒿元玉砌  
傷心錦纜有漁舟金縢社稷和戎日  
花石君臣棄國秋  
漫倚南雲望南土古今龍戰是中州

空同集卷二十九